

四庫全書

集部

欽定四庫全書

文苑英華卷六百四十

宋 李昉等 編

進貢上

朝覲遇節進物狀一首 賀正進物狀五首

端午進物狀十二首 賀冬進物狀六首

進打獵口味狀一首

朝覲遇節進奉狀 鄭 綱

右臣伏以古者諸侯入覲必奉贄幣或以車馬或以珪

璋用展誠敬著於典禮臣繆領藩鎮獲覲闕庭幸遇昌  
辰又當嘉節用增聖壽以表微誠前件馬及器物謹差  
嶺南節度押衙某隨狀奉進至微至薄無任慙惶伏願  
如日之昇如天之福垂莫大之慶保無疆之休於萬億  
年永康四海臣不勝懇款之至

元日進馬并鞍轡狀二首

為人作

令狐楚

右臣伏以元日開歲東風發春人神大和天地交泰伏

惟皇帝陛下鴻猷更始寶祚惟新協三朝之會同受萬國之歸慶臣某職當分閫屬忝維城未聳翼於丹青空馳心於皇極前件馬并鞍轡驅馳有度彫鏤初成願將行地之功以奉如山之壽干煩宸嚴伏增戰汗

二

右臣伏以五始混成歲為元吉四時分理春寶發生伏以陛下嗣帝鴻名受天成命百神降福願等於山河萬國歸仁思陳其玉帛臣限從戎役闕奉朝行又及新年

皆成靈貺每瞻初日如奉聖明前件鞍馬等稍似馴良  
竝非淫巧冀充庭實用達邊情干冒陳獻伏增戰越

賀正進物狀

裴次元

右臣伏以青陽發春肇寶歷於茲始玄穹降祚仰聖壽  
而惟新正殿嚮明班行承慶願臣等守土列在東隅空  
懷捧日之心望雲何及獨闕稱觴之禮鳴佩無因瞻九  
重而在天空倍情而增戀前件物及衫段宣臺卓座等  
禮不憚輕物斯期一作展敬即當有慶用申致貢之誠情

苟為珍願比負暄之獻臣某不勝感恩抃躍屏營之至  
代李令公進歲節口味一十事狀

于公異

右伏以獻歲首春元辰備饗內饗具品則有常珍野食

擊鮮恐資

一作  
湏

兼味臣昨以軍中無事畧獵出城既臨

戎虜之邊且試偏裨之藝縱橫必中豈謝麗龜俯仰無

遺寧憂即鹿或堪上獻輒露衷誠前件物等謹狀奉進

庶裨仙籞用愧野芹無任惶懼

一作  
悚

之至

為滎陽公進賀正銀狀

李商隱

伏以運當聖日節在王春近則入金門而排玉堂歡於  
上壽遠則梯重山而浮漲海務以獻琛臣受國恩深守  
藩地阻明珠大貝南異於百蠻翠羽犀皮北殊於三楚  
前件銀出非大治貨在中金敢以元正式陳方賄望闕  
憶銀臺之峻尚隔集作阻仙僚瞻天仰銀河漢之流莫  
階霄露馳心獻祝因物達誠干冒宸嚴不任兢越

端午進馬狀

于公異

右伏以律應蕤賓節臨端午徵彼風俗盛陳續壽之義  
爰念人臣敢闕致誠之禮况朝廷敘位海內來王咸因  
贖幣之資用表肅恭之節臣叨承恩顧獲守邊郵朝不  
及於良辰禮竊憑於外物輒以前件馬并鞍等進奉殊  
慙駿驥微露衷誠願承端午之祥長居得一之位不勝  
區區之極

同前

裴次元

右臣伏以律應蕤賓日惟端午訖於四海皆馳必獻之



珍節彼南山咸祝無疆之壽臣職叨藩服守在遐方貢  
菲禮以展誠單微既懼傾葵心而向日捧戴何因情空  
愧於遼東戀益深於闕下臣某不勝感恩戰灼屏營之  
極

同前四首

王仲周

右伏以楚俗遺風素傳角黍野人之志每願獻芹上件  
衣服裁製實昧於上國針縷多慙於天造懇誠所至庶  
備祝堯謹遣某官隨狀進奉

二

右伏以垂衣聖代角黍良辰述職之誠願有所獻器用  
非寶寧備下陳之儀縑帛至微庶同長命之縷前件銀  
器花紗等謹遣某官隨狀奉進

三

右臣伏以千年昌運屬在聖朝五日佳辰方臨仲月臣  
謬司垣翰不獲稱慶闕庭對東海竊慕於朝宗望南山  
輒闕於上壽前件銀器花紗等謹遣某官隨狀奉進

四

右伏以聖壽千年不假封人之祝嘉辰五日用申臣子  
之誠前件器物紗絹等不敢法外徵科皆積軍中餘羨  
遠塵旒宸伏用兢惶謹差某官隨狀奉進

端午進鞍馬等狀三首

令狐楚

右臣伏以五者天之成數夏者天之仁時伏以陛下用  
仁時而長養羣生舉成數而陶甄品物是以百蠻委瑞  
萬國歸誠同瞻日月之光共奉乾坤之壽臣方從邊役

未  
在  
周  
行  
謬  
宣  
力  
於  
清  
朝  
竊  
馳  
心  
於  
令  
節  
前  
件  
馬  
等  
柔  
馴  
既  
久  
彫  
飾  
初  
成  
敢  
因  
五  
日  
之  
良  
以  
續  
千  
年  
之  
慶  
干  
冒  
陳  
獻  
伏  
用  
兢  
惶

二

右  
伏  
以  
月  
旅  
蕤  
賓  
節  
惟  
端  
午  
天  
人  
効  
祉  
朝  
野  
交  
歡  
伏  
惟  
陛  
下  
宸  
極  
尊  
嚴  
大  
明  
光  
耀  
擁  
純  
陽  
之  
元  
吉  
保  
眉  
壽  
之  
康  
寧  
風  
俗  
既  
和  
人  
倫  
以  
厚  
前  
件  
鞍  
馬  
器  
物  
等  
彫  
鐫  
始  
就  
服  
習  
初  
成  
輒  
因  
五  
日  
之  
良  
以  
續  
千  
秋  
之  
慶  
干  
冒  
宸  
扆  
伏  
增

戰越

三

右伏以月惟仲夏時屬純陽當五日之良辰慶千年之  
聖壽華夷脩貢走玉帛於寰中朝野飛歡均金石於天  
上臣方從戎役夙奉皇慈願竭微誠慙無遠物前件鞍  
馬等久令馴致稱以柔良干冒宸嚴伏增戰越

又進銀器物并行鞋等狀

右伏以月惟正陽日次南午千官拜稱觴之慶萬國陳

執珪之禮將以嗣續聖壽延洪昌期

一作昌延洪期

蓋朝廷之

舊儀乃臣子之常事前件銀器等或便於用正當其時  
慙經萬里之遙願獻九天之上塵蹟宸鑒無任戰懼

為滎陽公赴桂州在道進賀端午銀狀

李商隱

右臣伏以

集作聞

握丕圖而御物必相見於離推小正以

辯時則盛德在夏故著為令節稽以舊章通脩任土之  
宜仰續後天之壽臣方乘傳置未至藩維前件銀已及

中塗實從前政拜章獻祝雖令尹以告新納賚展儀欲  
長府之仍舊謹以前觀察使楊漢公封印進上千春屬  
慶億載儲休繫以藩條闕覲丹墀之下徵諸貨志且媿  
白金為中干冒宸嚴無任兢越

為安平公赴兗海在道進賀端午馬狀

前人

右伏以浴蘭令節採艾嘉辰百辟合祝於堯年萬方宜  
脩於禹貢臣方夙駕之部馳傳出關欲獻琛而未識土





旒宸戰越惟深前件女口及紫袍段銀疊子等謹遣某  
官隨狀奉進

賀冬至進馬鞍弓劍香囊等狀二首

令狐楚

右臣伏以建子實三微之宗黃鍾為六律之本冬氣方  
至璧星正中伏惟皇帝陛下統馭天正發生陽數壽等  
南山之固萬姓具瞻恩均東海之波百川皆赴臣某限  
從外役叨奉殊私秉戎律以輸誠望宸居而積戀前件

鞍馬等非追風照地之駿麗無切玉穿札之堅強用媿  
含香名慙承露輒備祝堯之禮願申朝禹之心干冒宸  
嚴無任戰越

二

右伏以四海無外三冬正中伏以陛下大明燭幽鴻化  
御極居玄堂而布政登觀臺以視朔受萬國之慶擁百  
神之休臣守在邊陲職司戎旅朝天之路由限於山川  
向日之心增勤於草木前件物等皆生其地竝考於工

願奉如山之壽敢修任土之貢干冒陳獻伏增戰越

又進鞍馬器械等狀

右伏以迎日良辰書雲令節始生一陽之數首出三統

之正華裔交歡天人同慶臣某名班將帥守在封疆阻

羅拜於彤墀空注誠於紫闕

一作闕

前件鞍馬器械等雖

無犀利稍似馴良恭陳遠路之心願備廣庭之實干冒宸宸伏增戰越謹遣某官隨狀奉進

又進銀器唾盃等狀

右件銀物等非有可觀甚無所直以其方圓不礙斟挹  
酒漿潔白自持宜承咳唾敢因長日願獻上天干冒宸  
嚴無任戰越

為滎陽公進賀冬銀等

二字集作  
銀乳白身狀

李商隱

右伏以黃鍾應候白琯舒和近訪晉儀禮同元日遐觀  
魯史事重朔朝伏惟皇帝陛下與天同休如日之盛將  
融漢道兼舉周正臣方駕廉車闕稱壽酒心懸土炭空

循

集作思

太史之書身遠江湖徒積子牟之戀苟無納贐

曷慶履長前件銀等稟和於天地之鑪擢粹於神仙之

府豈為方賄且自地征對三品之金庶陪白壁撰

集作厠

一九之藥請映玄霜私白身等雖長在遐鄉而生知望

闕比從訓示堪備指呼冀因物以達誠竊先時而効祝

七百年之卜願過成周八千歲為春敢徵蒙叟干冒陳

進兢越無任

進打獵口味狀

于邵

右伏以平野未春寒山餘雪陛下俯令畋獵遙借寵靈  
豐狐難脫於重衮狡兔莫遺於三窟觀同將帥藝角偏  
禋况節號嘉平時兼蜡祭承威稟命恩已貸於戎臣登  
俎充庖味宜先於君上雖八珍豐衍六禽填盛輒傾誠  
於金鼎庶慕義於野芹前件品味謹隨狀進

文苑英華卷六百四十

欽定四庫全書

文苑英華卷六百四十一

宋 李昉等 編

進貢中

降誕日進物狀十五首

進農書狀一首

進碑文狀二首

進詩狀一首

進新舊文十卷狀一首



進畫馬屏風狀一首

進東封圖狀一首

進西北邊圖經狀一首

進哀冊文狀二首

降誕日進光明砂等狀

呂頌

右臣伏以大電遶樞十年感聖神光照室六合歸尊恭  
惟降誕之辰是啓乾坤之祚普天稱慶率土同歡仰舜  
日而徘徊望堯雲而忭躍前件光明砂等金丹上品著

在仙經願因

一作延

不朽之姿永固長生之壽

二

右臣伏以上玄降聖之時皇帝出震之日天垂景曜遶北斗以呈祥人竭歡心願南山而為壽前件光明砂丹石等管内所出服餌所尚生依山谷誠有驗於仙方貢自蠻夷幸得充於御府臣藩守有限不獲稱慶闕庭

降誕日進物狀

裴次元

右臣伏以搖光之祥貫月於佳夕遶樞之感降聖於良

辰歡泱寰瀛慶延寶祚百靈効祉固增壽於南山萬國  
一心皆貢珍於北闕臣謬膺廉問分鎮甌閩當朝采之  
稱觴身居遐遠望長安而瞻日戀積心魂前件女口及  
銀器衣箱等稽禹貢之文敢遵任土比野芥疑作片之獻  
空願竭心冀因此而展誠豈以菲而廢禮輕瀆旒宸隕  
越伏深

降誕日進馬及織成紅綿地衣狀

于邵

右臣伏以今月十九日陛下降誕之辰萬國駿奔二儀  
交泰玉帛方陳於闕下慶抃實匝於寰中臣謬荷殊恩  
思登壽域伏以馬則雄姿未織此句疑誠謝於權竒織成  
乃異於采箱宜或存於煥爛懿慈致遠之用宜秉含章  
之資憑物遵疑誠感恩祝聖所獻雖慙於萬國均情實  
邁於等夷臣不勝懇悃之至

為京兆李尹降誕日進衣狀 劉禹錫

衣一副四事

云

云右伏以德水方清真龍下降天長地

久瞻北極而常尊獻壽稱觴配南山之

集作

永固臣地

叨

集作居

宗屬職忝尹京慶賀之誠倍萬常品前件衣服

謹詣銀臺門奉進輕瀆旒扆伏用兢惕

集作皇

降誕日進銀器物及零陵香等狀

令狐楚

右伏以千年元命之符四月正陽之氣出震吉日繼乾  
良辰黃河再清冠中古之表德恆星不見掩西方之誕  
聖前件器物或堅白無玷或馨香有聞敢同率土之心

以續如天之壽千冒宸宸伏增戰越

降誕日進鞍馬等狀

右臣伏以繞樞之電曾委瑞於軒皇照室之光昔呈祥  
於漢后伏惟皇帝陛下貴從天下明在日中當四月之  
正陽闕千年之聖運人神叶慶朝野同歡臣任重戎旃  
路遙天闕懽呼萬歲如聞山嶽之聲傾竭一心庶均葵  
藿之志前件馬等誠非珍異頗似柔馴千冒宸嚴伏增

戰越

二

右伏以月惟首夏氣叶正陽一人慶誕之辰萬國樂康  
之日臣某屬連枝葉守在邊陲覩河水之既清知冬松  
之盛一作益茂前件馬并鞍轡等安其馴教考以精誠敢  
緣九族之恩願續萬年之壽干冒宸宸無任戰越

三

右臣伏以大電統樞之辰普天咸慶神光照室之夜匝  
地同歡臣限守邊陲未朝雲闕尚想河清之色如聞里

社之聲前件馬鞍等久似柔馴皆經考教任土作貢慙  
迷職於微臣如日之升願並明於聖主干冒陳獻伏增  
戰越

四

右臣伏以里社既鳴斗樞爰電誕生元聖允叶純陽實  
萬國同歡之時而千齡兆慶之日臣某限從邊役違奉  
天慈飲河每挹於清瀾向闕遙瞻於紫氣前件鞍馬等  
駿非金骨麗乏錦韉慙無照地之光願獻呼嵩一作山之



壽干冒陳獻伏增戰越

降誕日為楊大夫奏修功德并進馬狀

前人

右臣伏以居至道之尊其唯元命助無疆之祚亦在勝  
因是以千年為慶誕之期百福有莊嚴之義伏惟皇帝  
陛下以文武道為天人師降生於純陽之月纘承于大  
寶之位効祉而四天奔走流懽而萬國謳歌臣某職在  
鑒司土無珍異恨無以拜上玄之慶酬厚載之仁敢伏

普通轉修經戒仰申誠懇以就有為之功上為聖神庶  
資無量之壽其馬久令教習頗似柔馴願承內廐之恩  
以備屬車之駕干冒塵瀆不任戰汗之至

降誕日進器物狀

王仲周

右伏以執氣牧人運歸聖德天臨日照慶集嘉辰瞻太  
極之肇分仰濛汜之初浴歡忻感戴踴躍屏營臣限守  
方隅不獲稱賀上件銀器等隨伏奉進

二

右伏以紫氣充庭黃河變色用符昌運式表誕彌雖聖  
壽齊天不假封人之祝而獻芹為禮空馳野老之誠上  
件銀器綿錦綾綺等謹遣某官隨狀奉進

三

右伏以厥日誕祥惟天降聖歡連率土慶集茲辰前件  
器物雖竭愚誠欲申上獻顧惟簡薄難備下陳伏以陛  
下勤恤為心慈儉成德是用恭行聖旨為禮不寶遠物  
為珍臣限以跼守遐藩不獲申慶天闕竊同織草長傾

向日之誠願比封人遠獻如山之壽無任戀慕歡躍之至

四

右伏以四月孟夏千年聖期社鳴表祥河清叶慶臣於是日限守列藩不獲望南山以獻觴聞擊石以率舞屏營戀慕不知所裁上件品物等謹遣某官隨狀奉獻

進農書狀

農書  
三卷

柳宗元

右伏奉某月日制

集作  
勅

宜以二月一日為中和節

所司進農書永為恒式者臣伏以平秩東作虞書  
立制倣載南畝周雅垂文此皆奉天時以授人盡地利  
而豐食自陛下惟新令節益勵農功既立典於可傳每  
陳書而作則耕鑿之力敷帝力於嘉謨稼穡之艱動天  
心於睿覽集作鑿勤勞率下超邁古先凡在率土不勝幸  
甚前件農書謹函封進謹奏

進田弘正碑文狀

元稹

田弘正魏博德政碑文右前件碑文伏蒙御札朱書遣

臣撰述恩生望外事出宸衷銘鏤骨肌難酬雨露中謝  
臣伏以陛下所以令臣與弘正立碑蓋欲遣魏博及鎮  
州將吏等並知弘正首懷忠義以致功勳臣若苟務文  
章廣徵經典非惟將吏不會亦恐弘正未詳雖臨四達  
之衢難掩萬人之口臣所以効馬遷史體叙事直書約  
李斯碑文勒銘稱制使弘正見銘而戒逸將吏觀叙而  
愛忠不隱實功不為溢美文雖朴野事頗彰明伏乞天  
慈特留宸鑒其碑文謹隨狀封進謹具奏聞伏聽勅旨

進幽州紀聖功碑文狀

李德裕

奉宣令臣撰述者伏以北狄悍勇於四夷前代聖王莫能制伏昨者回鶻雖乘危感勢已內侵豺狼之師尚餘十萬陛下神武雄斷智出無方震天威以霆聲碎獯戎而瓦解武功盛烈高視百王豈比周穆犬戎之征荒服不至漢武馬邑之詐群帥無功將垂耿光宜命鴻筆臣學慚集作藝荒淺久病衰羸集作殘紀軒后之功徒知竭思叙唐堯之德終愧難名採其功狀稍似摭實今已撰訖

謹連進上輕瀆宸嚴

集作宸

不任惶越謹錄奏聞

進詩狀

元稹

臣某雜詩十卷右臣面奉聖旨令臣寫錄一雜詩進來者伏惟皇帝陛下學深江海文動星辰乙夜觀書秋風賦詠微臣入院之始學士等盛傳陛下親批賀雨一章體備鸞鳳思深集作含珠玉臣雖不得目覩宸翰臣實竊得心念聖言既仰燭龍之光難逞聚螢之照欲為陳獻益自慚惶况臣九歲學詩少經貧賤十年謫宦備極恓



惶凡所為文多因感激故自古風詩至今樂府稍存寄興頗近謳謠雖無作者之風粗中道人之採自律詩一

百韻至於兩韻七言或因朋友戲投或因悲歡

集作或以悲傷

自遣既無六義皆出一時詞旨繁蕪倍增慚恐今謹隨

狀陳進

集作進呈

無任戰汗屏營之至

進新舊文十卷狀

李德裕

四月二十三日奉宣令臣進來者伏以揚雄云童子雕

蟲篆刻壯夫不為臣往在弱齡即好詞賦性情

集作性情

所

作衰老不忘屬吏職歲深文業多廢意之所感時乃成  
章豈謂擊壤庸音謬入帝堯之聽巴渝末曲猥蒙漢祖  
之知跼躅慙惶神魂飛越謹錄新舊文十卷進上輕瀆  
宸嚴無任兢惕

代李尚書進畫馬屏風狀

李

翱

集無

右臣近得前件馬樣以其圖寫諸家稍殊試為短屏備  
以文彩觀其體閑色浮氣逸神駿練影吳浦指山川而  
不搖花攢上林若雨露之新洗或屈膝千里或長鳴九

霄昔以負圖為寶今願捍蔽成功形影不殊效用何別  
謹裁成十二扇隨狀奉進若以時從啓閉猶足靖於埃  
塵儻將用以驅馳庶可效其筋力輒敢輕冒戰懼伏深

為裴相公進東封圖狀

劉禹錫

見集本

集賢殿御書院開元東封圖一面右臣謹按開元十三  
年玄宗皇帝以天下太平登封東岳聲名文物振耀古  
今伏惟陛下丕承耿光再闡鴻業祖宗盛事紹復有期  
臣所以寫成此圖輒敢上獻至於繪畫躬自指搗徵史

氏之文纂禮容之要山川氣象悉擬真形羽衛威儀咸稽故實所冀睿情一覽遐想玄蹤臣叨榮過深抱疾已久望陛下告成之日心必前知嗟老臣將謝之年身恐不見疲羸之際感激倍深前件圖差某官乙謹詣光順門奉進謹奏

進西北邊圖經狀

元稹

京西京北圖經四卷右臣今月二日進京西北圖一面山川險易細大無遺猶慮幅尺高低閱覽有煩於睿鑒

屋壁施設俯仰頗勞於聖躬尋於古今圖籍之中纂撰  
京西京北圖經共成四卷所冀衽席之上歌枕而郡邑  
可觀遊幸之時倚馬而山川盡在又太和公主下嫁伏  
恐聖慮念其道遠臣今具錄天德城已北至迴鶻衙帳  
已來食宿井泉附於圖經之內并別寫一本與圖經序  
謹同封進其圖四卷隨狀進呈

進憲宗哀冊文狀

令狐楚

右奉勅令臣撰者臣今撰了謹連如後竊以揚先帝無

疆之德薦陛下罔極之恩宜擇能者永垂不朽聖意以  
臣備位相府策名文場忘其庸虛賜以撰述頃自哀迷  
重疊心緒摧落雖磨鉛雕朽已竭其精誠捧日窺天難  
窮其高遠干冒封進無任悲躍屏營之至

進貞懿皇后哀冊文狀

常 哀

右奉進旨令臣撰詞訖謹隨狀封進伏以纂述坤儀弘  
宣聖悼禮有追冊文以叙哀前代以來舊章不易屬詞  
之重高選文臣晉之恭后則王彪之顏延年咸製其詞

哀華著稱至貞觀中文德皇后遷座特詔虞世南撰述  
編於文館永播徽音此二臣者皆以鴻藻奮於一時用  
能紀皇壺之風煥青史之簡臣才學甚淺典策非工承  
詔兢悚匪惶夙夜伏自循省叨竊至深陛下徃命貴妃  
追封殊號冊諡之令皆臣奉行德範柔明多所遺闕退  
思鄙薄于今愧赧况又獲承慈旨重紀芳猷雖竭庸虛  
慚無麗藻屬文明天下多士盈朝顧其式瞻何以昭示  
冒嚴上獻益用兢惶無任戰懼之至

--	--	--	--	--	--	--	--



欽定四庫全書

文苑英華  
卷六百四十一

十一

文苑英華卷六百四十一

欽定四庫全書

文苑英華卷六百四十二 宋 李昉等 編

進貢下

進金花銀櫻桃籠等狀一首

進白蕉狀一首

進娑羅樹枝狀一首

進古銅器狀一首

進金盞并甕子狀一首

進覓器狀一首

進馬狀一首

進異馬駒狀

進白兔狀二首

進鷹狀三首

進雙鷄狀一首

進白雀狀一首

進金花銀櫻桃籠等狀

令狐楚

右伏以首夏清和含桃香熟每聞採擷須有提携以其  
鮮紅宜此潔白前件銀籠并煎茶具慶等羨餘舊物銷  
鍊新成願承薦寢之羞敢効梯山之獻其通犀瑇瑁上  
藥等賈並依價採皆及時誠非珍竒恐要聚蓄勤奉丹  
款不敢不進

進白蕉狀

令狐楚

右伏以半夏欲生正陽初王將勝時熱在新其衣前件  
白蕉先時織成依價市得光雖讓雪疎不礙風願充當

暑之服爰申任土之貢干冒宸聰無任戰汗

進娑羅樹枝狀

張謂

右所管四鎮境天竺山壓枝

一作祇

園國有拔汗那最為

密近乃

一作木

有娑羅樹特稱竒絕不庇凡草不棲惡禽

聳幹無慚於松柏

一作杓

成陰不愧於桃李但以生非得

地譽絕因人榮枯長在於異方委棄不聞於中土陛下

高視三代橫制四夷威信浹於君長仁惠沾於草木前

件樹枝臣去載已進訖臣伏以凡遵播殖貴以滋多今

屬陽和之時願助生成之德近差官於拔汗那計會又  
採前件樹枝二百莖並堪進奉如得託根長樂擢穎建  
章布葉垂柯隣一作連月中之丹桂連枝接影對天上  
之白榆於物無遺在人知感謹差軍將李滔押領赴京

賀衢州進古銅器狀

張九齡

右伏見衢州所進瑞魚銘等神物瓌竒形製純古魚為  
龍象既章受命之元銘作龜文更表錫年之永河圖舊  
事無以加之臣升集作贊休明屢承福應恭惟拜慶倍

百恒情伏望宣付史館傳之不朽無任喜躍之至

進貢扶風縣平地穿得金盞二枚并甕子一枚

狀

于公異

右臣得所由狀送前件物至臣所者輒令瑩拭非是常  
珍宜在昇聞輒敢上獻陰陽造化神妙潛功羣生既偶  
於昌期靈貺豈私於聖德伏惟皇帝陛下化通玄默躬  
贊昇平神功所以服不庭大孝所以尊清廟故天惟儲  
慶雲物表瑞於非煙地不韜珍寶玉騰光於內府陛下

方弘至道爰紀殊祥仰聖德而彌高在天心而難讓至  
如此寶安敢無言觀其形製標竒非一時之物精輝旁  
射逾百鍊之珍臣輒比擬他金光芒獨映求之故事未  
或前聞表孝通誠美已彰於盈缶徵神錄異慶常美於  
化鈞况其賦質堅剛銷形蓋箏膺大雅獻酬之用告太  
平歡樂之符時佇休明潛躍久同於瓦礫道合交泰成  
器堪佐於樽罍况因封管而生似表微衷而獲儻從殊  
貨是更褒揚必取類於金堅至遂成於家寶期於銘刻



傳在子孫長承聖主之恩使効微臣之節

代人進甕器狀

甕器若  
干事

柳宗元

右件甕器等並藝精埏埴制合規模稟至德之陶蒸  
自無苦窳合太和以融結克保堅貞且無瓦釜之鳴  
鳴是稱土鋤之德器慚瑚璉貢異器丹旣尚質而為先  
宜當無而有用謹遣某官某乙隨狀奉進謹奏

進馬狀

元稹

同州防禦使供進烏馬一疋八歲堪打毬及獵右臣竊

聞道路相傳車駕欲暫遊幸溫湯未知虛實者臣職居

守土侍從無由

集作因

羨魏闕之埃塵猶隨日御恨新豐

之鷄犬亦聽車音目斷魂消形留神往幸又得進奏官

狀知河中華州京兆府並於昭應排比進獻臣當州素

乏所出無以粗展丹誠臣既別受恩私又不合獨無壤

奠伏以前件馬北方正色東道竒蹤調習多時備諳材

力

集作色

解擊毬者每嘉其環回斗轉動可

集作必

愜心善

獵射者皆歎其度塹踰溝走不換足欲隨正至獻賀竊

慮群衆混同徘徊顧瞻蓄銳斯久今者宸遊近甸帝降  
靈泉施展是時戢藏何益伏望陛下揚鞭頓轡取驗其  
馴良結尾絡頭試觀其神彩臣某深恩未報愚志空存  
自慚駑鈍之姿莫展驅馳之効捫心戀主因馬喻身輕  
冒天威無任戰汗其馬謹隨狀進謹進

進異馬駒狀

令狐楚

右臣得征馬使穆材狀謹具毛色如前者臣伏以行地  
之用莫神於馬擅華名者則衆効竒質者甚稀伏惟陛

下廣大際天高明配日殊祥競發休祉荐臻前件馬稟  
天駟之精體坤元之德毛拳惟細鬣赤而高尾掉肉而  
蜿壇額帶星而個儻臣謹差虞候辛峻專往覆視俱如  
前列峻云雙瞳有耀四蹄如削宛然天產定是龍媒允  
協建午之辰光昭太一之貺臣見今就太原府養調旬  
月稍任行步即專陳獻謹差某官聞奏

為太原李說尚書進白兔狀

前篇作  
表非

前

人

貞元十  
二年

右臣得嵐州刺史趙挺六月二十九日狀稱嵐州合河縣太平鄉大慶村收獲前件白兔差行官李希林送到者臣謹按瑞應圖曰白兔壽千年滿伍百則色白又曰王者恩加者老則白兔見臣伏以白為正色兔實仁獸來皆有為前篇作應出必以時伏惟陛下聖壽無疆神功不宰是故太陰精魄降以為瑞皓質玉立素毛霜垂清明不讓於殷狼皎潔可齊於周鹿况村為大慶鄉號太平無為而成不索而獲協元符之一氣彰皇德於千齡雖

標中瑞之科實應太廟之曲

前篇  
作典

臣忝守藩

前篇  
作方

鎮觀

茲休祥無任忭躍歡慶之至

此篇六百十二卷表門重出前已削去

同前

右貞元十二年六月嵐州刺史於州界太平鄉獲白兔

一隻臣已并圖進獻死

一作  
斃

於中路惜其誕生靈質不

達明庭誠意所求禎祥荐至今又得狀宜芳縣孝義鄉  
百姓王貞收得前件白兔送到者臣謹按瑞應圖云王

者仁及鳥獸則白兔見臣伏以免之為獸兔狡者多獸  
之有毛龐雜者衆臣觀前件兔皓然養素恬爾守柔處  
群萃以自殊抱貞明而不汙皎如疊雪燦若疑霜克生  
孝義之鄉實表中和之化伏惟皇帝陛下恩覃動物澤  
及毛群方宏三面之仁果應千齡之瑞若非上天慈惠  
下土清平則安得四年之中再見其地信可以擣皇上  
之懿德薦臣子之明誠昭彰可徵於蠻如荅臣覩茲潔  
朗宛在封疆踴躍欣歡實倍恒品謹遣某官并圖隨狀

奉進

為易定張令公進鷹籠狀 鄭 綱

右件鷹臣去秋來頻令入草一一揀擇皆有所能試其搏擊下韜必中伏以上圍五方固多殊異之選下土一物實表臣子之誠敢望備羽獵於長楊從蒐狩於天仗輕瀆旒宸無任屏營之至

進白鷹狀

張 謂

右臣管內大小鷹娑羅山採得前件鷹簡擇並堪進奉



特稟異氣挺生殊姿頭圓頂平臆潤脰短丹目時轉志  
凌雲霄花毛始齊色淨霜雪既拔竒而賞異實超等而  
殊倫但四鎮川原千里砂磧草木既少禽獸亦稀礪志  
疑爪距調其羽翮徒有願於擊搏竟無階於効用今寒  
風凜冽殺氣嚴凝萬乘時巡六龍冬狩出樊籠之地登  
校獵之場必能隨人指蹤驅御苑之狐兔順時行令逐  
禁林之鳥雀物性有適天心所知

進異鷹狀

令狐楚

右臣所管採捕得前件鷹兩翅齊肩雙翎對攬雖非神  
俊稍似瑰竒以臣微誠輒敢陳獻風霜之後儻或得用  
於三驅鳥雀之中曾冀成名於一擲干冒宸扆無任戰  
越

同州進雙鷄等狀

元 稹

同州防禦使供進烏鶻并雙鷄共四聯右臣當州元和  
十五年奉宣令採雙鷄五聯各重四斤頻年採取一聯  
不獲自臣到州詢問採捕人等皆云二十年前採得一

聯雙鷄爾後不曾採得昨日之內併獲兩聯斤兩輕  
重稍符詔旨况浚郊初啓既已大剪豺狼鷲鳥自来可  
以助清裊獍臣所以恨身無羽翼不獲陪奉屬車擒狡  
兔之根源破狐狸集作妖狐之群黨臣其無任忘軀思奮觀  
物感恩之至謹遣某官某乙隨狀奉進謹進

為政事進白雀狀

蘇頲

右巢於黃門外雀過官廳事丹眸瑩徹明若流珠嘉毳  
鮮華光如蘊玉臣等謹按瑞應圖白雀主鐵券陰之精

也不來則國無俊嗣伏以清宮踐位慶重離於上天黃  
閣曾巢屬五瑞於明日固以事優御符聲高作頌臣等  
叨陪近侍喜萬恒情無任忭躍之至

文苑英華卷六百四十二

欽定四庫全書

文苑英華卷六百四十三 宋 李昉等 編

雜奏狀

奏度女道士等狀二首

代伊僕射奏請女正度狀一首

奏得嘉禾嘉瓜狀一首

奏行營兵馬狀一首

奏投降回鶻狀一首

奏黃家賊事宜狀一首

奏太原官吏選數狀一首

奏教習長鎗弓弩狀一首

奏排比第二般差撥兵馬狀一首

奏教兵馬狀一首

奏差赴許州兵馬狀一首

奏加嶺南州縣官料錢狀一首

奏擢管長平義倉狀一首

奏令子弟主辦遷奉狀一首

奏孝子劉敷儒狀一首

奏百姓割股狀二首

奏誅逆人等狀一首

奏黃州錄事叅軍張紹棄妻狀一首

奏貶姜鉢狀一首

奏度女道士無名尼等狀  
王仲周

右伏以代理弘道三教同歸聖誕佳辰萬靈叶慶上件



女道士無名尼或早授畢法已聞具戒願編僧道之錄  
永遂修持之心今因降誕日伏乞賜其正度

奏姚季立妻充女道士狀

右件驍將自貞元年身亡其妻行服三年情禮畢備去  
歲秋首已及祥除素習真經志願入道伏以草野之人  
能修栢舟之誓義足以勸志不可移今因聖誕之辰願  
崇景福請度充女道士法名真玄仍請就潤州道林觀

代伊僕射奏請女正度狀

呂 溫

光祿大夫尚書右僕射南充郡王臣女請度

尼

右臣伏以陛下降誕之辰率土蒙幸臣於含氣之內獨

受深恩

集作受  
思獨深

思所以稱慶南山獻心北極遂割骨肉

之愛俾歸岑寂之門結幽願於金仙奉勝因於寶壽冒

昧上請精誠匪他陛下以釐革初行渙汙無反憐臣罄

至之分事與恩違念臣愚魯之忠貸於法外特降中使

俯加慰諭臣忝居端右之地首干畫一之科

集作  
文

誠雖

奉上義乖率下合當嚴譴忽被殊私震驚失圖慙跼罔  
據荷降鑒之明原情斯在蒙曲全之澤為感則深輒集  
作輕瀆宸嚴伏增隕越謹奏

奏汴州封丘縣得嘉禾浚儀得嘉瓜狀

韓愈集  
無

右謹按符瑞圖王者德至於地則嘉禾生伏惟皇帝陛  
下道合天地恩霑動植邇無不協遠無不賓神人以和  
風雨咸若前件嘉禾等或兩根並植一穗連房或延蔓

敷榮異實共蒂既叶和同之慶又標豐稔之祥感自皇  
恩微莖何極於造化親逢嘉瑞小臣喜遇於休明無任

云

云

奏差赴唐州行營軍馬狀 崔行先

右伏奉今日日墨詔令選擇馬軍三日騎隨中使赴唐  
州臣當時已具聞奏訖臣所管士馬常經校試蓄銳斯  
久惟忠益彰常持報國之心盡秉一作盡懷恩之分忽奉  
詔命頓生光輝豈意宸私俯察誠願三軍抃舞闔境歡

呼並喻以勲忠形於感激雖慙數寡不愧衆多蔚為天  
討之師自假神威之福其器械軍容等並得鮮潔亦稍  
豐饒以今月十三日從鳳翔府隨中使進發訖臣職當  
護塞志切除奸不獲齒列諸軍身先士卒助鋤鋒於破  
賊逆節斯摧俾付寸燭以燎原焚枯可待臣無任憤悱  
踴躍之至

奏投降回鶻大首領大將軍安達于等狀

于邵

右臣得邠州節度使牒上件人等背逆歸順云被懷恩  
招來打鳴沙縣便擬將收長安為不奉可汗處分遂却  
迴邠寧投降並到使訖謹遣監軍使徐欽令領赴闕庭  
者回鶻遠蕃素効誠節自中原倣擾累建勲庸陛下約  
為弟兄式崇惠好我即示以恩信親仁善隣之道彼亦  
懷於德澤為不侵叛之臣而逆豎猖狂間行招誘初遭  
誑惑雖衿甲而即戎遽感恩私竟束身而請命可汗既  
不助逆懷恩當即成擒殘孽永清指期非遠

代表中丞奏邕管黃家賊事宜狀

柳宗元

右今月四日邕管奏事官嚴訓過稱押衙譚叔向等與黃家賊五千餘人謀為翻動雖已誅斬猶未清寧臣當時差本道同十將試光祿卿雷遠至邕管界首賓州以來刺集作探事宜兼為聲援昨得雷遠十四日狀并嚴訓狀報同到其黃家賊並已退散各歸洞穴訖伏以鼠竊狗偷非足為患陛下威靈遠被神化旁行遂使姦狡

集作  
猾

之謀先期而白露回邪之黨不戮而盡滅

集作  
夷

伏

恐飛章已達吉語未聞上軫天心猶煩廟筭臣謬居方  
鎮忝接疆界所得事宜不敢不奏

奏太原府資望及官吏選數狀 令狐楚

右臣得司錄叅軍李旦等狀稱前件府名三都望同兩  
府吏曹近日稍易舊規格限之中增加選數特乞奏聞  
者謹檢開元十一年正月二十八日勅置北都府縣資  
望並準京兆府河南府中間吏曹整有降下前使王縉



薛兼訓馬燧李說并有舉奏尋蒙復舊今準三月十五日勅停減諸州府雙曹司錄判司及甲曹叅軍特蒙勅旨京兆河南太原三府不在減限伏以太原府龍興盛業天啓雄藩有義旗起建一作起之堂為仙駕留遊之地

官標留守驛署都亭典章甚明制度咸在數年來吏部選格不同京兆河南兩府官資稍下選數則深掾吏諸

臣懇有披訴儻伺

疑作狗

從權之義恐乖仍舊之規伏乞

聖慈特勅吏部準元勅與京兆河南一例處分

奏教習長鎗及弓弩狀

右淮泗寇猶或未

一作未掃

除天下人臣皆思奮擊臣伏以

射渠魁之目勁弩為先春大憝之心長鎗是切比雖兼習多不專精臣今選定前件官健取八月四日於城東起教不敢不奏

奏排比第二般差撥兵馬狀

右臣伏以逆賊吳少誠孤負聖明作為奸亂尚延晷刻之命未即雷霆之誅天下人臣皆同憤激况臣任當旄

鉞誓掃煙塵割肌肉以資軍亦無所苦執干戈而衛國  
惟恐不堪况將士等忠義居心堅剛挺質勇於戰陣樂  
此征行臣謹差前件兵馬如前其資裝器械一事已上  
並無所闕續具發日聞奏仗其忠順兵氣自雄諭以功  
名衆心皆勵矧茲窮寇非足勞師伏望天恩不至憂軫

奏教當道兵馬狀

右臣伏以不教視成為國之蠹政有備無患前王之格  
言今吳少誠叛換汝南憑陵淮右雖烏鳶嘯聚見彈已

驚而枳棘萌生須鋤其本昨臣所陳章奏願往討平及  
奉詔書但令排比在軍中之百事誠有舊規以麾下之  
萬人要知新令謹取今月二十五日於東城準敕教習  
至二十九日大設後各勒歸本鎮不敢不奏

奏差兵馬赴許州救援并謝宣慰狀

前人

右中使臣希倩至伏奉詔書兼宣恩旨慰問臣今差前  
件兵馬者臣伏以吳少誠內懷奸詐上負聖明因幸隣

喪遂虧臣節提携逆黨逼迫孤城凡在忠良不勝憤切  
况臣謬居方鎮便合封平伏蒙陛下委曲照臨丁寧誨  
諭感槩而毛髮盡勁憤啟而肺腸皆激諸軍會合計日  
剪除當道兵馬差定訖已具列狀奏聞

奏加嶺南州縣官課料錢狀 孔 揆

右伏以前件州縣或星布海隅或斗

一作雲

絕荒外首領

強黠人戶傷殘撫御緝綏尤藉才幹刺史縣令皆非正  
員使司相承一例差攝貞廉者懇不願去貪求者苟務

狗私臣自到州深知其弊必若責之以理莫若加給料  
錢今具分折如前並不破上供錢物輒陳管見務在遠  
圖伏乞天恩允臣所請

奏擢管常平義倉狀

李渤

臣伏詳勅文本救荒歟忽有危切貴及其時當州去京  
往來萬里奏迴方給豈及飢人臣請所管忽遇災荒量  
事賑貸訖續分折聞奏庶使遠人速活聖澤遐流臣之  
所管僻在嶺外迫以山賊人尤難理若令數改必困蠹

食常平義倉本救災害向為歎沴擢臣處之方鎮臣宜竭力上荅皇明伏乞聖恩允臣所奏庶使皇靈遠被獮俗知恩

奏準詔令子弟主辦遷奉事狀 裴次元

臣某言伏以幸遇通年奏請遷奉事伏奉月日手詔令子弟主辦以起時日者私願上陳天書下降跪承恩

一作

明命榮感失圖臣實不天幼丁家禍荐鍾凶釁方在童蒙逮于成人終鮮兄弟比以時日非便顧室且貧日居

月諸未辦歸祔痛心疾首以候吉辰昨日一作者陳露下

情求替遷奉赴任之日亦具奏聞今奉詔書令子弟主

辦雖懇辭上瀆而天聽未迴荷朝廷之寄深望阡兆而

心殞臣即準詔遣子弟專往揚州舒州主辦便赴上都

續具聞奏臣揆以才劣職任非輕不敢重陳再煩睿覽

懷罔極之感章奏冀允於深誠奉絲綸之書獎任益彰

於聖旨顧遠恩重哀荷難任臣不勝荒塞推逼之至

奏孝子劉敦儒狀

元和八年

權德輿

時為東都留守



孝子劉敦儒年四十九

曾祖子玄祖 既父浹 住東都從善坊

右件人名儒史官之家積成教義至性誠孝感動人倫

母患風狂心緒乖亂無辜榜箠常至僵仆或凍於積雪

之下或曝於赫日之中腐爛皸痂

一作裂裂

畧無完體見其

楚毒方上

集作與

飲食敦儒蘇而復起常懼人知承順恬

然不覺疾痛因心之道貫於神明欲蓋彌彰事久方著

蒸蒸不匱十有六年貞元二十

集無此字非

年留守韋夏卿

具狀奏聞奉其年八月二十九日勅宣付史館旌表門

閭臣至洛都具詳事實聞諸族類布在風謐今又十年  
不改其養飢寒所迫衣食闕然晨昏所奉朝不繼夕伏  
以底祿筮仕資廕多門至行絕人尤可嘉獎伏望天恩  
特授一解褐京官使分司就養則私計集作計食可給寸祿  
為榮庶厚時風以弘孝理特乞聖慈允臣所奏集作請謹  
錄奏聞伏候勅旨

奏百姓王士昊割股狀

令狐楚

右臣得太原府牒前件人為母阿張患病割股奉母其

母所得疾漸損者臣伏以登于大孝在禮為難忍其甚痛於人不易王士昊長於市井利在錐刀誓以誠明之心療其羸老之疾割肉於股饋羹于堂信可以感通神明風變人俗某猥司廉察獲守方隅以此至性恐須旌表

奏榆次縣馮秀誠割股奉母狀

右臣得太原府牒前件人為母久患割股奉母所疾漸損者臣差當縣主簿劉戡檢驗得狀具如前申者臣伏

以縱螫及膚口猶難忍援刀刺骨心豈易安前件人出於畎畝之中長在草茅之下天生仁孝日用元和忘甚痛於已軀期有瘳於親疾人倫共感名教所宗斯實陛下仁掩周王孝逾虞帝陶蒸動物之性啟迪仁人之心況臣守在方隅職司廉察據其至行恐合褒稱

奏誅逆人等狀

于邵

右前件官等或久登清貫或厚受國恩天步艱難不隨清蹕偽庭頡頏忍飲盜泉或脩撰文書或統制兵馬或

動衆以資敵或作奸以蠹人事跡昭彰實不可掩臣等  
初命禁錮伏候聖恩輿議囂然皆將俾刃此輩大逆無  
道覆奏難容臣叅諸禮法按軍令訖匿瑕含垢誠君父  
之恩私嫉惡剛腸亦臣下之職分擅此處置伏增戰越

奏黃州錄事參軍張紹棄妻狀 牛僧孺

右臣得張紹妻盧氏狀其張紹寵婢花子每令無禮相  
陵臣推問有實者伏以張紹忝跡衣冠幸陶德化不敦  
二姓之好敢瀆三綱之經嬖惑女奴蔑侮妻室非特

一作

徒衣服飲食貴賤渾同兼亦待遇等威衽席顛倒款招  
明白愆尤至多縱稟性庸愚靡及於教義而歷官州縣  
合聞於憲章逞其邪心曾不懼法顧茲醜行恐玷大猷  
臣職在觀風事先按俗有關政理敢不申聞伏乞明示  
罪名流竄遠地使人知家道以誡士林謹具奏聞伏聽  
勅旨

奏貶晉陽縣主簿姜鉢狀


為人作

令狐楚

右臣劉氏堂外生即故硤州刺史伯華嫡孫左補闕某

第三女是臣亡叔庶子絳州刺史勛外孫父身早亡臣  
妹多病遺孤寡婦無所依投及臣總戎來相依止臣見  
其長成須有從歸其姜鉢久在太原曾任主簿誠非匹  
敵誤與婚姻豈料如獸之心同人之面縱橫克悖舉止  
顛狂旬月之間豪橫備極惡言醜語所不忍聞有忝祖  
宗難施面目臣以為夫婦之道無義則離因遣作書遂  
令告絕矜其愚下擬許生全而將校等二十三人播進  
於庭確論其事具如前例請以上聞雖忍孤兒可欺其

如衆怒難息持希竄謫以雪冤疑干冒宸扆伏增戰越  
之至





文苑英華卷六百四十三

欽定四庫全書

集部

文苑英華卷六百四十五

詳校官給事中臣李 臺

助教臣常循履勘

總校官進士臣朱 銓

校對官中書臣王 瓚

謄錄貢生臣湯安泰

欽定四庫全書

文苑英華卷六百四十四

宋 李昉等 編

陳請

請七母邑號狀一首

請公除狀二首

論清舜廟狀一首

處州請隨例行香狀一首

請施行六曲開元禮狀一首

奏新羅請廣利方狀一首

請孫守亮代男行營事狀一首

為南承嗣請從軍狀一首

請行軍司馬及少尹狀一首

奏請不叙錄將士狀一首

奏請東都洒掃狀一首

閑廐使奏判官改名狀一首

請立前節度使李德裕德政碑文狀

為長安馬明府亡母請邑號狀 宋之問

臣亡母在於

一作屬在

外戚夙忝末姻不蔭慶雲早先朝露

臣髮膚遺體是亡母所生金紫通班乃聖朝所賜臣每服一輕妙嘗一甘鮮何曾不遠媿劬勞近慚榮寵又見同列有太君拜邑命婦入朝臣早孤偏不勝感羨母因子貴幸者何多祿不及親臣獨含恨明年某月改葬有期私門大事莫踰于此臣內寡材術謬忝朝恩外無愆尤夙承母訓郡縣之號翻及臣妻哀榮之禮不霑臣母

臣生不侍養歿未追榮若懼不敢祈恩偷生以安厚祿  
儻歸泉壤何對慈顏臣死罪死罪臣準某年月日制令  
加一階伏乞廻臣此階追贈亡母又臣身死之後合有  
鼓駕出郊在臣何顏存歿叨僭亦許臣亡母用臣威儀  
臣身當以遽際存榮死足所祈越禮罪實干誅伏惟陛  
下孝理寰瀛仁及草木皇室之戚軒冕盛于前朝太后  
之親恩澤踰于曩日臣幸遇非常之主敢祈不次之恩  
伏乞陛下少念葭草垂哀犬馬回臣休寵以慰營魂則

今日以前報恩於亡母自茲以後盡命於聖朝無任慙  
懇悲慕之極謹進狀陳請以聞

為政事請公除狀

蘇題

臣等聞喪禮俯就所貴從宜古先哲王莫非孝子則知  
服紀漸變以至於除既除之後無不從吉祔即吉祭示  
不可踰頃者正自山陵奉安宗廟終服變禮今則其時  
執而不行將何用禮伏惟皇帝陛下孝思罔極首冠禮  
經然以神器至公理循故實今尚未臨正殿猶御慘衣

夫以安上理人莫善於禮今若順情廢禮何以正人群  
下顯然不知所措臣等謬陪樞密輒敢陳祈伏乞以禮  
制情式遵常典無任悚迫之至

二

臣等伏奉墨制固違羣情一作請未許公除臣等茫然罔

知攸措臣聞孝者貴合道禮者貴從宜合道始可行孝  
從宜始可達禮况先皇遺旨行孝者共遵國朝舊章達  
禮者同守非宜將焉用禮違命豈得稱孝伏以至尊之



制與凡庶不同故易月更除以時漸降山陵既畢謂之  
反虞宗廟當祔無不從吉今若除不易月降不以時豈  
得虞而不祔尚居喪服所以先儒執禮適變而除王者  
從權將除必降伏惟聖懷永慕雖增罔極故事不遠孰  
可虧違臣等至愚期於死請

三

臣等愚昧頗觀禮典數百年來漢晉間事主天地者不  
以私廢公行喪紀者故以日易月貞觀之後三宗遺訓

著在寶錄垂之不朽匪臣等敢率下情屢希上達伏以  
聖懷罔極孝思永慕夫人祇之大願持曾閔之小節使  
祖宗之禮家國成規陛下因而違之臣等固知其不可  
皇極神器天下至公曠時不親衆務皆闕阻群情非順  
也顯顯億庶仰望天光徂夏及秋旬有四月陛下何以  
承顧託何以撫黎元臣等惶然不知忌諱敢昧死陳請  
冀垂昭納明日望於別次視事以寧臣子荒迫之心

論清舜廟狀

右臣謹按地圖舜陵在九嶷之山舜廟在太陽之溪舜  
陵古老已失太陽溪今不知處秦漢以來置廟山下年  
代寢遠祠宇不存每有詔書令州縣致祭奠酌荒野恭  
命而已豈有盛德大業百王師表沒投集作於荒裔陵廟  
皆無臣謹遵舊制於州西山上已立廟訖特望集作乞天  
恩許蠲免近廟三五集作一兩家令歲時掃集作拂灑以集作示  
為恒式豈獨表聖人至德及於萬代實欲彰陛下玄澤  
被於無窮謹錄奏聞

勅依

處州請隨例行香狀

齊映

右準式文臣當州不在行香之數伏以聖朝弘孝御下  
崇德追先憑法力于傳香表永懷於率土下垂甲令旁  
感物情臣州稍以遐遠比于列郡遂漏思私俱成亭育  
之中獨隔情禮之外况語桂廣則道里猶近並接衢婺  
則州望悉同推於等夷倍切誠懇又垂白之老一命之  
士或生於開元天寶或逮事肅宗代宗從頂至足生成  
是賴五月六月思慕彌深方當感切之辰難抑衆庶之

意臣又以國家榮建寺觀繼度緇黃所種田疇已為優厚食時受供皆荷殊恩忌辰脩齋當茲別給如蒙聖澤許同隣州應緣香燈所需皆率官吏取足於刺史以至末班輕減俸錢敬脩法事庶使山越遺老咸覩漢儀海郡具僚率由唐典無任至誠至懇之至

代鄭相公請刪定施行六典開元禮狀

呂溫

右臣聞化人成俗莫大於禮樂垂統建中必資於制度

然而忠敬有弊質文異數群儒之得失蜂起歷代之沿

革絲棼或榮古而漏今名實交喪或違經而便事本末

相忘或煩雜

集作  
褻

以為詳或闕略而

集作  
以

為要未聞折

衷以叶通方國家與天惟新改物視聽太宗拯焚溺之

餘粗立統紀玄宗承富庶之後方暇論思爰勅宰臣將

明睿旨集儒賢於別殿考古訓於秘文以論材審官之

法作大唐六典三十卷以導

集作  
道

德齊禮之力作開元

新禮一百五十卷網羅遺逸芟剪竒邪亘百代以旁通

立一王之定制草奏三復祇令宣示中外星周六紀未  
有明詔施行遂使祭喪冠婚家猶異禮等威名分官靡  
成規不時裁正貽弊方遠伏惟睿聖文武皇帝陛下恢  
纂鴻業升于大猷雷霆奮有截之威日月廓無私之照  
三叛就戮四夷來賓牛馬放集作散於農郊兵革藏於武  
庫嚴禋上帝祇受鴻名惟懷永圖不自滿假昧爽聽政  
子夜觀書處成功而弗休率集作求至理若不及每懷經  
始則知貞觀之難言念持盈思復開元之盛臣謬忝密

樞集作

務兼掌圖籍無能輔弼

集作  
匡補

已負於恩私有所建

集作  
發

明豈先於典禮伏見前件開元禮六典等聖

集作  
先

朝所制鬱而未用奉揚遺美允屬欽明然或損益之間  
討論未盡或弛張之間宜稱不同將貽永代之規必俟

集作  
候

不刊之妙臣請於常叅官內選學藝優深理識通

遠

集作  
敏

者三五人就集賢院各盡異同量加刪定然後

敢塵

集作  
冀紆

睿覽特降德音明下有司著為恒式使公私

共守貴賤遵行苟有僣違必正刑憲如此則職官有制



將興濟濟之詩風俗大同坐致熙熙之詠見可而獻知  
無不為輒瀆宸嚴伏增墮越謹狀

代淮南杜司徒奏

集作  
論

新羅請廣利方狀

劉禹錫

淮南節度觀察處置等使勅賜貞元廣利方五卷右臣

得新羅賀正使牒

集作  
牒

如言狀稱請前件方狀一部將

歸本國者伏以纂集神効出自聖衷藥必易求疾無隱  
狀搜方脉之秘要拯生靈之天瘥坐此華胥咸躋仁壽

遂令絕域逖聽風聲羨茲豐功爰有誠請以其久稱藩

附素混車書航海獻琛既以通於華禮釋疴蠲疾

集作癘

豈獨隔於內

集作外

區正當四海為家冀覩十全之効臣

即欲寫付未敢自專謹錄奏聞

請孫守亮代男行營事狀

代郭子儀

于邵

右臣前日面奉進旨前件男領兵馬赴靈州伏以朔方  
軍幕宿將頗多任以兵權合先勲舊非獨藉其時望亦  
以厭伏衆心男晞年纔成立素不更事雖薄閑騎射而

未有智謀軍政弛張或非詳練昨緣逆徒在近畿甸多  
虞令統先軍以當大敵倉皇之際不可固避畢力捐軀  
幸摧堅陣此天威所及非童子有成欲速赴邊陲實恐  
未堪專任右廂兵馬使開府孫守亮出身入仕皆在軍  
行將校畏威士卒懷惠智能料敵勇可摧克使與渾日  
進同行必冀免貽聖慮又男晞自幼及長首末隨臣常  
在私庭未曾遠行深願容其澣濯許以旬月休閑他日  
更有任使敢不奔波道路臣位崇寄重効淺恩深常恐

委任失人以速官謗知子者父敢不上陳伏乞天慈俯  
哀誠請

為南承嗣請從軍狀

柳宗元

故某官贈某官某乙男某官某乙右臣亡父至德之歲  
死節睢陽陛下每降鴻恩必加褒寵臣自七歲即忝班  
榮垂五十年常居祿秩再守遐郡績用無成終貽官謗  
甘就嚴譴無以負荷先志報効殊私以慚以懼隕越無  
地伏見某月日勅以王承宗負恩干紀命將徂征雷霆

所加殘

集作  
珍

滅在近臣竊不自揆思竭忠誠願以預

集作  
預

一卒之任以荅百生之幸庶得摧

集作  
推

鋒觸刃摩壘塞

旗冀獲盡於微誠儻不墜於遺烈踴躍之至夙夜靡

集作

不寧敢希皇明俯鑒丹懇臣聞周官考藝國子置車甲

之司漢道推恩孤兒備羽林之用千秋思奮於事越仲

孺期死於奔吳義激君親名高竹帛臣雖無似有慕昔

人雖身塗草野死而不朽披肝瀝血昧死上陳無任懇

迫憤激

集作  
忠憤

之至謹錄奏聞伏候勅旨

請行軍司馬及少尹狀

為人作

令狐楚

右臣適蒙恩獎獲守方隅力小任大常憂敗累伏以行軍司馬相副之職知府少尹共理之官未得其人久空此位每均平征賦繕理邊陲實藉通材以分重寄伏惟陛下察臣心之懇款知軍務之殷繁選於中外為此別貳陛下所用即臣所知苟獲同心庶無闕事謹遣某官奉狀奏請

為滎陽公奏請不叙錄將士狀

李商隱

使當道將士及管內昭賀等州軍士共二千一百二十  
六人準去年五月五日制叙勲階使司去今年四月二  
十五日具將士姓名及甲授年月日申省訖右臣當道  
將士等遠當戎寄式控遐陬乘解愠之和寧親矢石望  
拱辰之列實隔煙波近者朝廷奄靖北方惟荒東道當  
陰山之哭虜靡効纖埃及天井之摧凶不橫寸草徒以  
皇帝陛下非煙結彩集作陰滾露流光向明纔及於鳳樓  
布澤遠霑於蠻徼固合同承國慶共稟朝榮伏以當管

近無豐年亦經小水海上有分屯之卒邕南有未返之師歟冗食於居人困裹糧於戎士臣初叨庶問方切拊循雖拾級升階各思受寵而濡毫執簡無以為資仰慮後期敢忘積懼伏見比者諸道有物力未足者聖恩洪貸許且權未叙錄竊緣徃例冒此上陳伏冀天慈曲垂矜許臣與將士等無任感激冒昧戰越之至

為楊贊善奏請東都洒掃狀

右臣先臣贈太保其塋在河南縣界臣自終喪紀便叅



朝倫三年贊道於宮庭千里違離於墳墓竊惟令式合  
許芟除追遠興情敢希榮於陸擘報恩未死寧自誓於  
羲之伏乞聖慈特從

一作鑿  
集作允丹懇

為閑廐使奏判官韓勵改名狀

右前件官名與再從叔故媯州叅軍自勵向下一字同  
伏以韓自勵頃因官遊歿於幽朔羈孤未返親黨莫知  
近始言歸因之合族雖為子之道則慎更明於已孤而  
諸父之集作具來固難舉諱於其側伏請改名融謹錄奏

聞伏聽勅旨

請立前節度使李德裕德政碑文狀

張次宗

右伏以勲著王室者則銘於景鍾功及生人者則刊於

樂石故扶風存必拜之地岷山有墮一作墜淚之思固有

舊章盖無虛美竊以李某績慶相門服膺儒業得卻穀

詩書之學兼祭遵儒雅之風自授任坤方鎮安全蜀亭

成多警言災旱相仍外有定戎一作鎮定之功則城柵相望內

有繕完之備則器甲維新強寇將罷其東漁隣敵自止

其南牧況今令

一作收

行屬郡威肅連營來暮之謠已彰

於昔歲去思之美無謝於古人今合境同詞諸郡獻狀  
雖黃霸入用寵方盛於登賢而鄧侯不留情猶深於愛  
樹臣謬當交代備聞政能願嗟卧輒之情特允紀功之  
請無任云云

文苑英華卷六百四十四